



جريدة حكاية

١٢٩٠

96

صالي

نومرو	جادی الآخر	سنه	نیسان	سنه	صفیفة
٩٦	١١	١٢٩٨	٢٨	١٢٩٧	٧٦١

اشبو غزته بهر هفته صالی کونلری چیقار . سنه لکی التمش غروش و بهر نسخده سی التمش پاره
 مجیدیه اوله رق هر یرده صاتیلور . درج اولنه جق اعلاناتک بهر سطرندن ایکی غروش النور .
 سنه لکنه مشتری اولوق استیانتلر عدلیه نظارت جلیله سی اوراق مدیر لکنه فر اجعت ایتلیدر

(طقسان بشنجی نومرولی جریده محاکمه مندرج)
 (اعلامک بقیه سی)

ایجابی لدی المذاکره بالاده بیان وحکایه اولندیغی
 اوزره تمیز استداسنده بولنان سمیون محکمه
 استینافیه جه عند المحاکمه ابراز ایلدیکی حقیق سندله
 ابتدای مداینه نك فی ٢٢ شعبان سنه ٨٩ تاریخنده
 وقوعبولدیغی ثابت اولمش و بنابرین مبلغ مدعا دن
 فاحش گذشته اوله رق بیک طقوز یوز التی غروش
 اوتوز پاره تنزیلی لازم کلش ایکن یالکز بیک سکر
 یوز غروش تنزیل ایلدیکی مثله و رأس الماله محسوبی
 ایجاب ایدن طقوز یوز التمش اوج بچق غروشک
 دخی محسوبی اجرا اولنماش اولدیغندن بحثله
 اعلام استینافینک بوندن طولای تقضنی ادعا ومومی
 الیه رشدی افندی وکیلی شهری افندی دخی درجه
 اولی محکمه سنک فاحش فائض نامیله تنزیل ایلدیکی
 مبالغ حقنده موکلنک در میان ایلدیکی اعتراضک
 شرائط استینافیه اجرا اولندیغی سر رشته سیله

بالبان اعلام استینافینک بویولده اولان حکمنک
 تقضیه تعدیل واصلاح اولنق اوزره کیفیتک محکمه
 مرقومه یه اعاده سی طلب واستدعا ایتکده اوایوب
 انجق اعلام استینافیده کوسترلدیکی اوزره مزبور
 سمیون ایله مومی الیه رشدی افندی بیننده جریان
 ایدن اقراض واستقراض معامله سندن طولای
 افندی مومی الیهک باسند طلب ودعوی ایلدیکی
 مبالغ میاننده فاحش گذشته اولدیغنه دأر مرقوم
 سمیون جانبندن درمیان اولنان ادعا واولباده لاحق
 اولان اعلام ابتدائی اوزرینه محکمه استینافیه جه
 سبق ایدن تدقیقاتده مبالغ مدعا بها میاننده
 تبین ایدن بیک سکر یوز غروش فاحش فائض ایله
 مومی الیه رشدی افندینک تحت تصدیقنده بولنان
 تسلیمات تنزیل اولندقدن صکره مرقوم سمیونک افندی
 مومی الیه سکر بیک یدی یوز التمش یدی غروش
 دینی اولدیغی ثابت اولمش اولسیله ذکر اولنان
 اعلام ابتدائینک بو بایده کی حکمنک تعدیل واصلاحیله

نظر تدقیق ومطالعه یه النامسی مغایر قانون اولدیغی کیداش وفی الواقع مزبور سمیون طرفه



جانبدن عندالاستیناف ابراز وارانہ اولنان عتیق سند مندرجاتہ کورہ مبلغ مدعانک ابتدای مداینہ سی تاریخک طقسان سندہ سی ربیع الاولک ابتداسنہ مصادف اولدیغی و تاریخ مذکور دن اعتباراً اقتضا این فائضک ضمی و تسلیات واقعہ نک تنزیلی حالند، مومی الیہ رشدی افندینک طاب وادما ایلدیکی مبالغ میانندہ برمنوال محرر بیک سکز یوزغروش فاحش فائض اولدیغی تحقیق و تبیین ایلدیکی جهتله محکمہ استینافیہ چه برمنوال محرر اعلام ابتدای حکمنک بالتعذیل تصدیق اولنسی یولندہ بولنمش اولدیغندن مزبور سمیونک کرک فاحش فائض مسئلہ سنہ و کرک ابتدای مداینہ نک فی ۲۳ شعبان سنہ ۸۹ تاریخه مصادف اولدیغی یولندہ اعلام استینافینک محقق عدی مقتضای نظام اولان مندرجاتی خلافه ملابس صورتده درمیان ایلدیکی اعتراضات شایان قبول و التفات اولدیغی کبی مومی الیہ رشدی افندی جانبدن محکمہ مرقومه چه شرائط استینافیہ اجرا و نظامی دائره سندہ استعدا و لایحه تنظیم و اعطا اولنمسنزین درجه اولی حکمنک فاحش فائض حقندہ کی ققره سی علیهنده درمیان اولنان اعتراضک شایان استماع اوله میه جغی جهتله افندی مومی الیهک اولبابده استینافاً درمیان ایلدیکی اعتراضک تدقیق طرفنه کیدلیو بدہ رد ایلدیکی کذلک یولندہ و موافق اصول اوله رق افندی مومی الیه و کیلی شهری افندی طرفندن بوضورته متفرغ تمیزاً سرد و اتیان اولنان اعتراض دخی اسباب نقضیددن اولدیغندن وکیل مومی الیه ایله مزبور سمیون طرفلرندن اعلام استینافی علیهنده وقوع بولان اعتراضات مشروحہ نک ردیله اعلام مذکورک تصدیقنه و اقتضا این اوچیوز التمش غروش اعلام خرجیله صورت و تبلیغ خرجی بولنان قرق غروشک مستدعی مرقومه رجوع ایتمک اوزرہ اول

АКАКІА

امردہ مدعی علیہ حسین رشدی افندینک سنہ فی ۱۱ ربیع الاول سنہ ۹۸ تاریخه متفقاً قرار و یریلرک طرفینه تفہیم قلندی

(فی ۱۲ جمادی الاولی سنہ ۹۸ وفی ۳۰ مارت)
(سنہ ۹۷ تاریخه محکمہ تمیز حقوق دائره)
(سندن و یریلان اعلامک صورتیدر)

سلانیک ولایتی اوراق مدیری معاونی مصطفی افندی ایله یئلرنده محکمت دعویہ دائر سلانیک استیناف محکمہ سندن اعطا قلنان فی ۱۵ ربیع الآخر سنہ ۹۶ تاریخلی اعلامک تمیزاً رؤیت و تحقیق سلانیکده آیا یقوله محله سی ساکنلرندن قتریه بنت یورکی جانبدن و یریلوب محکمہ مذکورہ ریاستندن با تخریرات مخصوصه محکمہ تمیز حقوق دائره سنہ ارسال اولنان عرضحال و مرقوماتده استعدا و سلانیکده مقیم تجارندن باسندینک اوغلی یانقو باندلی امضاسنی وفی تموز ۹ سنہ ۹۵ تاریخلی حاوی مصدق برقطعه کفالت سندی اعطاسیله تأمینات لازمه ایفا قلمش و دعوت واقعہ اوزرینه مستدعیہ مرقومه جانبدن طنغر سمیون و مدعی علیہ مصطفی افندی طرفندن دخی محمد رفیق بک مصدق سندلرله وکاله کلهرک میر مومی الیه حاز اولدیغی مأذونیتنه استناداً شهری افندی بی مسجلا توکیل یلش اولسیله تدقیقات تمیزیه اجراسنہ ایتدار و اواباق موجوده بعد القرانہ اولبابده اولان ادما و افادلری و کیلان مومی الیه سادن استفسار قلندی

اعلام مذکور مندرجاته نظراً مزبورہ قترینه خاتونک سلانیکده تحتہ قلعه دکان بر باب بورکچی فروونک نصف ملکیلہ اوزرنده بولنان اون یی بچی زراع مومی الیه مصطفی افندی ایله اشتراکاً تحت

نصرفنده اولدیغی و مقدا افندی مومی الیه جانبدن وقوع بولان مداخله نک منعی حاوی سلانیک بدایت محکمہ سندن برقطعه اعلام اعطا قلندیغی حالده مذکور فروونک درت سنه لک بدل ایجارندن ثلث ثلثان وجهله حصه سنه اصابت این قرق درت لیرایه دسترس اوله مدیغندن مبالغ مذکورده نک تحصیلیه برار محل مزبورہ ابله انشاسنہ مداخله ایتدیر لمانسی محکمہ مرقومه ده طلب و دعوی و یدنده بولنان الی سکز تاریخلی وقف سندیلہ التمش بش تاریخلی حاوی برقطعه اعلام شرعی ابراز وارانہ ایتسی اوزرینه مومی الیه مصطفی افندی جلب ایله محاکمدری اجرا قلندقدن و مذکور سند و اعلام شرعی تدقیق و مطالعه اولندقدن صکره مزبورہ قترینه نک اوتہ دنبرو نقدار بدل ایجار المقده بولندیغی اثبات ایلسی لزومنه قرار و یرلش اولدیغی حالده قرار مذکور ی حاوی تنظیم اولنان اعلام علیهنده مومی الیه مصطفی افندی جانبدن اقامه ایلنمش اولان استیناف دعواسنک سلانیک محکمہ استینافیہ سنجه اجرا قلنان تدقیقاتی نتیجه سنده اعلام مستأنف بهک متضمن اولدیغی قرار مذکور ایله اولجه و یریلان و مزبورہ قترینه نک بالاده محرر افاده سی خلافنده اوله رق مذکور فروونک کدی حقده اقامه ایلدیکی تصرف دعواسنک واهی ایلدیکی حکمنی حاوی اولان اعلامک یکدیگره مابین اولدیغی بالبیان قرار مستأنف به فسخ اولنقله برابر مزبورہ قترینه نک تمسک و استناد ایلدیکی وقف سند اوزرینه شمیدی یه قدر بر معامله جر یان ایتیه رک اره دن اوتوز سکز سنه مدت مرور ایتش اولسیله سند مذکور حکمسنز اولدیغی کبی سالف البیان اعلام شرعی دخی جانب جلیل فتواخانده دن تصدیق اولنمدرق جرح ایلنمش اولدیغی جهتله مزبورہ نک ایجار مطالبه سنه حتی اوله میه جغی کویستر یلرک مداخله واقعہ سنک منعیله مذکور فروونک مستقلاً

مومی الیه مصطفی افندی عهدہ سنده ابقاسنہ حکم اولدیغی اکلانشلشدن

مستدعیه و کیلی طنغر سمیون افندینک خلاصه ادما و اعتراضاتی ذکر اولنان فروونک اونیدی بچی زراع محلی حقنده مقدا موکله سنک اقامه ایلدیکی دعوی اوزرینه سلانیک بدایت محکمہ سنجه اجرا قلنان محاکمه و تدقیقاتده موکله سنک مذکور فروونده حصه سی اولدیغی تبیین ایدرک مومی الیه مصطفی افندینک مداخله واقعہ سنک منعی حقنده برقطعه اعلام و یرلش و اشبو اعلامک استیناف و تمیز مدتلری مرور ایدرک علیهنده برکونه اعتراض درمیان ایدلماش اولدیغی حالده اخیراً موکله سی قترینه نک طلب وادما ایلدیکی بدل ایجار دن طولای تنظیم و اعطا قلنان اعلامک استینافاً اثنای تدقیقنده اعلام اول مذکور مندرجاته یکلش معنی و یریلرک و طرفینک ادما و طلبنده مقارن اولنمسنزین قیود اوقافه دخی مراجعت ایدیلرک اعلام ثانی مزبور حکمنک اعلام اوله مابینندن بختله فسخی طرفنه کیدیلوب موکله سنک حقوق ثابته سنک ابطال و اسقاط ایلدیسی و اساس دعوی اوبله طرفینک رضاسیله شرعاً رؤیت و حکم اولنمش ایکن کیفیتک محکمہ شرعیه یه حواله سی لزومی کویستر لیکدن بشسقه مجله نک بیک التی یوز التمشجی و بیک التی یوز یتش برنجی ماده لری احکامنه دخی رعایت اولنماسی یولسز و مفاير اصول و نظام اولدیغندن بختله اعلام استینافینک نقضی استعدا سندن عبارت بولنمشدر

مدعی علیہ و کیلی شهری افندینک نتیجه جوابی دخی مذکور فروونک کرک ملک و کرک کدکنده مزبورہ قترینه نک حصه سی اولدیغی اولجه درجه اولی محکمہ سنجه ثابت اوله رق سالف البیان برنجی اعلام اعطا قلمش و اشبو اعلام اوزرینه مزبورہ جانبدن مدت معینه سی طرفنده استیناف دعواسنہ تشبث

اولمهرق بو باده کی حق نظامیسی اسقاط ایدلمش اولدیغی کی اخیراً مزبورہ نك اقامہ ایلدیکی بدل ایجار اداسنه دخی بالطبع حق و صلاحیتی اوله میه جغی جهتله عند الاستیناف اعلام اول مذکور مندرجاتنه و قیود اوقافه احتیاداً اعلام اول حکمنه مباین اولهرق ایکنجی دفعه ویریلان اعلام ابتدائینک فسح اولمسی یولنده و موافق اصول اولدقدن بشقه مزبوره قترینه نك تسمک ایلدیکی وقف سندینک اعلام معترض علیهمه کوسترلیدیکی اوزره حکمزلیدی میدانده بولنمش و اعلام شرعینک دخی جانب فتوا خانهدن تصدیق اولنموب جرح ایدلمش اولسندن ناشی بونلرک تسمک و استناده محل کوریله مدیدی و ذات دعوانک عالیتی جهتله محاکم نظامیده رؤیت و تدقیق اولنمسنک سر رشته اعتراض اوله میه جغی بیانیله اعلام مذکورک تصدیق طلبنی حاویدر

طرفین وکیللر نك بالاده محرر اعتراض و جوابلری خارجنده برافادلری اولمدیغی لدی السؤال اکلشلسیله امر مواجهه لر نك ختام بولدیغی کندولرینه تفهیم قلندی

ایجابی لدی المذاکره سلانیک محکمه استینافیه سنجه مستدعیه تمیز قترینه نك مومی الیه مصطفی افندی دن طلب ایلدیکی بدل ایجار دعوا سندن طولایی مزبور نك شمعی یه قدر بقدر بدل ایجار المقده اولدیغی اثبات ایلسی لزومنه دائر لاحق اولان اعلام ابتدائینک اولجه ویریلان و مزبوره قترینه نك سالف البیان فرونک کدی حقیقه اقامه ایلدیکی تصرف دعوا سنک واهی اولدیغی حکمنی حاوی اولان اعلامه مباينتدن بختله اعلام مذکور فسح اولمغله برابر مزبورہ نك بدل ایجار مطالبه سنه حقی اولمدیغی کوستریلهرک اولباده کی اداسنک دخی ردیله مذکور فرونک مستقلا مومی الیه مصطفی افندی عهدہ سنده ابقاسنه حکم اولنمش

اولوب انجق درجه اولی محاکمندن لاحق اولان واحد طرفیندن استینافاً تدقیق طلب و استدعا قلنان بومقوله بر اعلامدن طولایی اول امرده طرفین بخاصمین اصولی دائر سنده جلب و دعوت اولنهرق تشکیل و استیناف عرضحالی و اعلام مستأنف به ایله اعتراض و جواب لایحه لری صره سیله مواجهه لر نده قرائت و بونلر خارجنده برافادلری اولوب اولمدیغی کندولرندن سؤال و استفسار اولنهرق هر ایکی طرفدن درمیان ایدیلان ادعا و افادات استماع و اثبات مدعا ضمیمه ابراز و استناد اولنان اوراق تدقیق و مطالعہ ایدلکدن و ذات دعوانک بعض جهتجه تدقیقات و تحقیقات ایفاسنه و یاخود ابراز ایدیلان اوراقدن طولایی دوائر متعلقه سیله اجرای محابراته لزوم کورنیدیکی صورته تدقیقات و محابرت واقعه نك حاصل ایلدیکی نتیجه اوزرینه طرفین تکرار جلب اولنوب بونلره قارشو بر دیه جگری اولوب اولمدیغی کذلک استفسار اولنقدن صکرده بشته برافادلری اولمدیغی تبین ایلدیکی و استحصال اولنان نتیجه نك حقوق حکمه کفایتی تحقق ایتدیکی تقدیرده امر محاکمه نك ختام بولدیغی طرفینه بالتفہیم دعوا استینافک ایجاب ایدن حکم قراری ویرلمک و تنظیم و اعطا قلنه جن اعلامده دخی تدقیقات و محاکمات بار یه و حکم و اقلک علل و اسباب و مواد قانونیه سی ایله اوراق مبرزه عیناً و یاخود مندرجاتی مواضعاً کوسترلمک محاکم نظامیه نك اصول محاکمه قانوناً اخراسنه مجبور اولدیغی وظائفدن بولنمش ایکن سلانیک محکمه استینافیه سنجه مزبوره قترینه ایله مومی الیه مصطفی افندی یلنده کی دعوانک استینافاً اثنای تدقیق و محاکمه سنده شو و وظیفه قانونیه نك تمادله اجرایی طرفینه کیدلیوب اعلام معترض علیهمک سیایق مندرجاتدن اکلشلدیغی اوزره طرفینک اعتراض و جواب لایحه لر نك قرائتی متعاقب کندولری استجواب

اولتمسزین اجرای تدقیقاته مبادرتله قیود اوقافه مراجعت و اخیراً طرفینک حین استجوابنده دخی بالکنز لایحه لری مندرجاتنی تأیید یولنده افاداته بونلر قری کوستریلهرک کرک افادات مذکورہ دن و کرک درجه اولی محکمه سندن برنجی دفعه ارلهرق ویریلان اعلام ایله مزبوره قترینه نك استناد ایلدیکی وقف سندلی و اعلام شرعی مندرجاتدن صورت مختصرده اولهرق تنظیم و اعطا قلنان اعلامده بحث و حکایت اولنمغله برابر امر محاکمه لر نك ختام بولدیغی کندولرینه تفهیم اولتمسزین دعوا استینافک برمنوال محرر تحت حکم و قراره النسی یولسز و اصول و قانونه مغایر و مستدعیه و کیلی طنغر سمبون افندی نك نتیجه اعتراضی اعلام استینافینک اصول و قانونه مغایر اولدیغنه متدائر بولنمش اولدیغندن اصول محاکمه حقوقیه قانون موقتک ایکویز اوتوز ایکنجی ماده سی حکمنه نوقفاً اعلام مزبور تقض ایدلمش اولمغله دعوا ی مجوت عنهانک صور مشروحه دائر سنده تدقیق و اصول و قانونه موافق اولهرق اعلامه ربط و توثیق ضمیمه سلانیک محکمه استینافیه سنه اعاده سنه و اعلام و صورت و تبلیغ خر جگری اولان ایکویز قرق غروشک ایلروده حقسنز چیه جن طرفه رجوع ایتک اوزره اول امرده مستدعیه قترینه دن النسنه فی ۷ ذی القعدة سنه ۹۷ تاریخنده اکثریت آرا ایله قرار ویریلهرک طرفین وکیللرینه تفهیم قلندی

- (فی ۱۷ جادی الاولی سنه ۹۸ و فی ۴ نیسان)
- (سنه ۹۷ تاریخیه محکمه تمیز حقوق)
- (دائره سندن ویریلان اعلامک صورتیدر)

حمید سخاخی داخلنده کأن اولو بورلی قضا سنه

تابع سکر کند قر یه سنده ساکنه عایشه خانم ایله یلنر نده متحدث دعوا یه دائر حمید بدایت محکمه سندن استینافاً ویریلان فی ۳۰ ربیع الاول سنه ۹۶ تاریخلی ایکی قطعه اعلامک تمیز آرویت و تدقیق قریه مذکورہ ده ساکن قول اغاغندن متقاعد حافظ محمد علی اغا طرفندن متفرع ایله برابر اعطا و حمید متصرفلغندن با تکر برات مخصوصه محکمه تمیز حقوق دائره سنه امرا قلنان عرضحالده استعدا اولنمش و تجاردن نوعی زاده علی رضا و بونجوق زاده حاجی مصطفی افندی لرک مهر یله مخوم و مصدق برقطعه کفالتنامه اعطایله تأمینات لازمه دخی ایضا قلنمش اولدیغندن و دعوت واقعه اوزرینه مستدعی حافظ محمد علی اغا اصالة و مدعی علیها عایشه خانم طرفندن با سند مصدق مخدومی علی حیدر افندی و کالة کدیکنندن تعلق سیله باش مدعی عمومیک معاونلرندن یورغاکلی افندی حاضر اولدیغی حالده تدقیقات تمیز یه اجراسنه ابتدار و اوراق هر قومه طرفین مواجهه سنده بعد القراءه ادعا و افادلری کندولرندن استفسار اولندی

مذکور اعلاملرک خلاصه مندرجاتنه نظراً مومی الیه حافظ محمد علی اغا التمش اویج تاریخنده آخردن تفرغ ایله نصفنی کندنی و نصف دیگرینی اولوقت تحت زوجیتنده بوننان مومی الیهها عایشه خانم عهدہ سنه قید ایتدردیکی مذکور اولو بورلی قضا سنده واقع عبد الجبار چفتلکنی بر مدت اشتراکاً تصرف و اعمار ایتدکدن صکره خانم مومی الیهها نصف حصه شایعه سنی یتش بش تاریخنده بدل مقبوض مقابله کندوسنه فارغه اولهرق مؤخرأ مفارقتلری وقوعیه خانم مومی الیهها بدل مذکور ایلمدیغنی بالادعا اسپارته نائبی اسبق ثابت افندی زماننده اجرا قلنان مرافعه لر نده بدل مقبوض مذکورک ویرلمدیکنی اقرار ایلدی دیو فراغ اولنان مذکور نصف حصه نك استردادینه

حکم اولدیغندن و بو حکمی متعاقب خانم مومی ایهانک
 کندی و سندن اولدیغنی او توز درتیک غروشدن
 طولانی کندوسی حبسه ابقا اولمسندن و بواقچه
 مقابل عهده تصرفنده بولنان دیگر نصف حصه نیک
 فراغی اجرا اولدیغجه تخلیصی قابل اولمه جغی
 اخبار ایندیسندن طولانی اشبو نصف حصه نیک دخی
 کرها فراغی اجرا قلندیغندن بختله مذکور ایکی
 حصه نیک کندوسنه رد و تسلیمی قضاء مذکور بدایت
 محکمه سنده طلب و استدعا ایتمی اوزرینه طرفینک
 محاکمه لری و تدقیقات لازمه بعد الاجرا خانم مومی
 ایهانک اولجه استردادینه حکم شرعی استحصال
 ایلدیکی نصف حصه یه تصرفی حاوی یدنده
 بشقه چه طایو سندی بولمدیغنه و شو صورتله خانم
 مومی ایها فراغندن رجوع ایده میوب فی ۱۵
 شعبان سنه ۷۵ تاریخلی مضبوطه موجبجه حق
 تصرف مومی ایله حافظ محمد علی اغایه عاند ایدر کنه
 و خانم مومی ایهانک و کیلی جانیندن اراز اولنوب
 جانب فتواخانه دن مجروح اولدیغنی کوریلان اعلام
 شرعیده اغای مومی ایهانک بدن مقبوض مذکوری
 و یرمیدی حقدنه مندرج اولان اقرارینی باورقه
 اخبار ایدنلرک افاده لری شایان قبول اولدیغنه و کرها
 فراغ قلندیغنی ادعا اولنان دیگر حصه یه کلنجه مومی
 ایله حافظ محمد علی اغادین ایچون مرکز لواده حبس
 و قضاده تهدید اولنهرق تخلیص نفس ایچون دین
 مذکور مقابلنده نصف حصه مذکوره نیک فراغ و تقریر
 ایتدیرلش اولدیغنی شهادتنامه و اوراق سائر مبرزه
 ما لکرندن مستبان اولدیغنه و فراغ چقنده اسامیسی
 محرر شاهدلرک نتیجه افاداتی دخی اولصورتله وقوع
 فراغی مؤید بولمادیغنه بناء ذکر اولنان نصف
 حصه لک موقتاً بالاسترداد مومی ایله حافظ محمد علی
 اغایه تسلیمه دائر بشقه اولهرق محکمه
 مذکور دن و یریلان ایکی قطعه اعلام علیه نه خانم

مومی ایهانک و کیلی جانیندن استیناف دعوی
 اولمسیله حیدر بدایت محکمه سنجه جریان ایدن
 محاکمات و تدقیقات استینافیه نیک نتیجه سنده مومی ایله
 حافظ محمد علی اغانک فراغ و تقریرک وقوعندن
 درت سنه صکره نایب سابق ثابت افندی حضورنده
 بدل فراغ و یرمیدی حقدنه کی اقرار یله درمیان
 اولنان شروط مفسده و مکرهه و غبن فاحش و تقریر
 و طلب تفوض قضیه لری محاکمات و تدقیقات شرعیه
 اجرا سنه منوط اولدیغنی و اشخاص یدنده تحدث
 ایدن اراضی منازعاتی حقدنه شرعاً و نظاماً تدقیقات
 مکمله ایفا اولنهرق سندات شرعیه یه ربط و توثیق
 فی ۱۳ صفر سنه ۹۲ تاریخلی امرنامه سامی جله
 احکامندن بولدیغنی و دعوی مذکوره اساساً بالتعلق
 معرفت شرعیه رؤیت و تحت حکم و اعلامه الندیغنی
 و مذکور اعلامک موافق اصول اوله مدیغنی جانب
 فتواخانه دن ظهورینه اشارت و یکیدن رؤیتی اشعار
 قلندیغنی و بو خصوصه دائر مقدمات بدایت و استینافاً
 و برلش اولان اعلاملرک محکمه تبر حقوق
 دائره سندن نقضی اسبابلریده ایشک وجهت لری
 اولدیغنی تمیز اعلامی مطالعه سندن منتهم اولدیغنی
 ملا بسایله مستأنف به اولان اعلاملر قاب تصدیق
 کور یله مامش و قرار موقت مزبورک اولجه تأخیر
 اجراسی لزومنه بشقه چه قرار و یرلش اولدیغندن
 دعوی مجبوت عنهانک اراضی مأموری حضورنده
 وجه شرعی اوزره رؤیتی و بحق فصل و انحساری
 ایله سند شرعی یه ربط و توثیق اقتضایه چکنه
 متفقاً قرار و یرلدیکی مستفاد اولمشدر
 مستدعی تمیز حافظ محمد علی اغانک فذلکه اعتراضاتی
 خصمی و زوجة مطلته سی عایشه خانم ایله بینلرنده
 تحدث ایدن دعوی عبد البیبار چقنلکی اراضی
 امیریه سنک حق تصرفی مسئله سنه مقرر اولمسیله
 بودعوانک مزبوره ایله نظاماً عاند اولدیغنی درج

اولی محکمه سنده مأموری حاضر اولدیغنی حاله
 رؤیتنه ابتدار یله طرفینک بو باید کی ادعا و مدافعه سی
 استماع اولندقدن و اوراق مبرزه حقدنه تدقیقات
 لازمه اجرا قلندیقدن صکره لاحق اولان حکم ابتدائی
 علیه نه طرف خصمدن واقع اولان استیناف
 استماعی اوزرینه دعوی مجبوت عنهانک بر موجب
 حکم و قانون نظاماً رؤیت و حکمی لازم کلرر ایکن
 حدود منازعاتنک رؤیتی حقدنه فی ۱۳ صفر سنه ۹۲
 تاریخلی امرنامه سامی حکمنه اتباعاً معرفت شرعیه
 فصل و حسمنه قرار و یرلشی مخالف قانون بولدیغندن
 بختله معترض علیه اولان اعلاملرک نقضی استدعاسی
 حاویدر
 مدعی علیه و کیهانک نتیجه جوابی دخی ذات دعوی
 اراضی نزاعندن تولد ایدوب بو مثللو دعاوینک
 ایسه ذاتاً تدقیق و حکم شرعی یه ربط و توثیق
 اولمسی مقتضی اولمغله برابر بین الاشخاص تگون
 ایدن اراضی منازعاتنک معرفت شرعیه فصل خصمی
 و سندات شرعیه یه ربطی دخی شورای دولت
 قرار یله تسطیر بیوریلان فی ۱۳ صفر سنه ۹۲
 تاریخلی امرنامه سامی حکمی اقتضاسندن بولدیغنی
 و بو خصوصک مقدمات معرفت شرعیه فصل و خصمی
 جهت یله یه رؤیت و حکمی محکمه شرعیه یه عاند
 اولدیغنی بیانیله تمیز استدعاسنک ردی طلبینی محتویدر
 بونک اوزرینه طرفینک اعتراض و جواب لری خارجنده
 بشقه بر دیه جک لری اولدیغنی کندولرندن لدی السؤال
 اکلشلدقدن صکره بو باید کی افکار و مطالعاتی معاون
 مومی ایله یورغاکلی افندیدن استفسار اولند قدنه
 بو خصوصه دائر مقدمات محکمه تمیز حقوق دائره
 سندن صادر اولان اعلامک مطالعه سندن مستبان
 اولدیغنی اوزره خصوص مذکور اول امر ده شرعاً
 رؤیت اولدیغنی حاله بو حکم نظامیه نیک مداخله سی

جأز کور یله ماش ایسه ده اعلام شرعینک باب والای
 فتواخانه چه عدم تصدیقیله اعاده قلمسنه نظراً ارتق
 ایشک شرعاً در دست رؤیت بولمامسی مطالعه سنه
 بناء دعوانک محلی بدایت محکمه سنجه فصل و خصمی
 امر اولمش و منازعه واقعه اراضی امیریه یه حق
 تصرف ماده سندن عبارت بولدیغنی اعلام تمیز یدیه
 مندرج اولدیغنی کی اراضی دعوا لرنک مرجع
 رؤیتی حقدنه فی ۲۰ رمضان سنه ۹۶ تاریخنده
 تسطیر بیوریلان امرنامه سامیده دخی بو مقوله طایو
 سندات یله تصرف اولنان اراضی امیریه حقدنه تحدث
 ایدن کافه منازعاتک اراضی قانوننامه سی و مجله احکام
 عدلیه و طایو نظامنامه سی احکامنه توفیقاً محاکم
 نظامیه ده رؤیتی لزومک مصرح بولمسی مذکور
 تمیز اعلامی احکامی مؤید کورنمش اولدیغندن
 شو حاله مستدعی تمیزک اعتراضات واقعه سی
 موافق قانون اولدیغنی بولنده بیان مطالعات ایتدیکنی
 متعاقب امر مواجهه لرنک ختام بولدیغنی طرفینه
 تفهیم اولمشدر
 ایجابی لدی المذاکره تمیزی طلب و استدعا قلنان
 اعلامین مذکور ینده مومی ایله حافظ محمد علی اغانک
 مومی ایها عایشه خاتمدن تفرغ ایلدیکی مذکور
 عبد البیبار چقنلکنک نصف حصه سی حقدنه بدل
 فراغک و یرمیدی کنه دائر وقوعی درمیان اولنان
 اقرار یله فراغک اساسنده کی شروط مفسده و آکراه
 و غبن فاحش و تقریر و طلب تفوض ماده لری
 محاکمات و تدقیقات شرعیه اجرا سنه منوط ایدو کنه
 و بین الاشخاص تحدث ایدن اراضی منازعاتی حقدنه
 شرعاً و نظاماً تدقیقات مکمله ایفا اولهرق سندات
 شرعیه یه ربط و توثیق فی ۱۳ صفر سنه ۹۲ تاریخلی
 امرنامه سامی جله احکامندن بولمادیغنه و بو
 دعوانک یکیدن رؤیتی بو خصوصه دائر مقدمات

ویریلان اعلام شرعی ظهرینه جانب فتوا خانه دن
 واقع اولان اشارت اقتضا سندن اولدیغنه و محکمه
 تمیز حقوق دأره سی اعلامنک نتیجه حکمی دخی
 بوصورتی کوستر دیکنه بناء دعوا ی مذکوره نک
 شرعاً روئیتی لزومنه قرار ویرلدیکی محرر اولوب
 انجق تفصیلات مشروحده دن مستبان اولدیغی لوزره
 بودعوی اصلاً و اساساً چفتلک مزبور اراضیسنک
 حق تصرفی ماده سندن متولد اوله رق بونک ضمیمه کی
 فساد و اکراه و غبن و تغیر و طلب تفوض قضیه لری
 جهات فرعیه دن اولسیله اصلنه و هرایکی صورت
 مدعا نک روئیت و حکمی قانون مخصوصنه تابع
 اولوب ذات مصلحتجه روئیت شرعییه به مختص
 اولدیغی و بو خصوصه دأر مقدمه محکمه تمیز حقوق
 دأره سندن تنظیم و اعطا قلنان اعلامک نتیجه حکمی
 بوماده حقیقه کی اعلام شرعی جانب قترخانه جه
 تصدیق اولنیوب دعوانک یکیدن مصلحتجه فصل
 و حسمی افاده قلنش و ذات دعوی اراضی امیریه
 حق تصرفی مسئله سنه متعلق اولوب قانون
 مخصوصنه توفیقاً حکم اولنه جق مواد دن بولنش
 اولسیله دعوا ی مذکور نک قضابدایت محکمه سنده
 اراضی مأموری حاضر اولدیغی حالده یکیدن
 روئیتنی متضمن بولندیغی و بو حکمک صورت
 صدوری مذکور اعلام شرعینک اعاده سیله دعوانک
 شرعاً روئیتنه باشلانماسی مطالعده سنه مبتنی اولدیغی
 جهت لره ذکر اولنان اراضی دعوا سیله جهات
 متفرعه سنک اراضی و طایو قانون و نظامنامه سی
 و مجمله و اصول محاکمه احکامنه توفیقاً روئیت
 و حکمی لازم کلور ایکن بورالری نظر تأمل و مطالعه یه
 انعامش و بونکله برابر اراضی دعوا رینک مرجع
 روئیتی حقیقه فی ۲۰ رمضان سنه ۹۶ تاریخنده
 تسطیر یوریلان امرنامه سامیده بومقوله طایو
 سنداتیله تصرف اولنان اراضی امیریه حقیقه

تحدث این کافه منازعاتک محاکم نظامیده روئیتی
 مصرح بولنش اولدیغندن اصول محاکمه حقوقیه
 قانون موقتک ایکیوز اوتوز اینجی ماده سی
 موجبجه اعلامین مذکورینک نقضیه دعوانک
 برهنوال مشروح روئیت و یکیدن علامه ربط
 ارلنق اوزره مذکور حید بدایت محکمه سنه
 اعاد سنه و اعلام و صورت و تبلیغ خرچلری اولان
 درت یوز سکسان غروشک ایلروده حسرت چیقده جق
 طرفه رجوع ایتمک اوزره اول امرده مستدعی حافظ
 محمد علی اغادن النسنه فی ۸ ربیع الاول سنه ۹۸
 تاریخنده اکثریت آرا ایله قرار ویریله رل طرفینه تفهیم
 اولندی

اعلانات

غلی افندیکن قولاقسنز اوغلی کریمه سی مریم قدین
 ذمتنده سنه ^{۹۶} نومرولی اعلام موجبجه مطلوبی اولان
^{۹۱} مبالغ معلومه نک تسوییه سی ضمیمه مدیونه فر قومه نک
 متصرفه اولدیغی بشکطاشده پوسته جاده سنده ۸
 نومرولی اجزاجی دکانی التی بیک طقوز یوز غرو شده
 و ۶ نومرولی توتونجی دکانی دخی اتی بیک طقوز
 یوز غرو شده طالبلری عهده لرنده بالمزاید تقرر
 ایلدیکندن اشبو نیشانک یکریمی برنجی و نندن اعتباراً
 اوتوز برکون طرفنده تقرر ایندیل اوزرینه
 یوزده بش ضمیمه طالب اولنلرک بک و غلی بدایت
 محکمه سی اجرا دأره سنه مراجعت ایللری اعلان
 اولنور فی ۲۱ نیشان سنه ۹۷